


**Address by Her Worship Mayor of Musina, Cllr. Mihloti Muhlope during the Mayoral Imbizo at Masisi Taxi Rank (Ward 12) on Friday 07 October 2016.**



## Mutshimbidza-Mushumo

Saizwi ndi Mu-Afrika ane a thonifha vhubvo na mvelele yawe, kha vha ntendele ndi thome nga u luvha ngauri mavu a na vhane vhao nahone vuhosi vhu tou bebelwa.

Kha ri luvhe!

Ndi a livhuwa.

.....

Vharanga-phanda vha sialala

Vhakhanselara vhashu

Vhaimeli vha zwiimiswa zwa tshitshavha

Vhaofisiri vha maspala na mihasho ya muvhuso

Vhaeni vhothe vho rambiwaho

Na vhadzulapo vhothe vha Ward 12

Ndi a vha resha.

Ndo livhuwa Mutshimbidza-Mushumo u fhiwa tshifhinga tsha uri ndi pose mavhili na mararu kha vhadzulapo vha Ward 12.

Saizwi ho vha na dzitshanduko kha mikano ya dzi maspala minwedzi mivhili yo fhiraho, ro vhona zwi zwa ndeme uri ri de fhano kha Ward 12 ri tangane na vhadzulapo ngauri muvhuso washu wo rangiwaho phanda nga ANC ine nne nda vha mushumeli wayo a fulufhedzeaho, wo ri laedza uri ri rangise phanda vhupfiwa ha vhatu musi ri tshi vhusa.

Zwe ra dela zwone namusi a si u ambesa, ndi u thetshelesa vhoiwe vhadzulapo uri ri pfe vhupfiwa ha vhoiwe malugana na ndisedzo ya tshumelo na u vhamba maano uri khaedu dzine na vha nadzo ri nga dzi tandulula hani nga mutingati saizwi munwe muthihi u sa tusi mathuthu.

Hone-ha zwa ndeme khezwi: A zwi vhudzisiwi uri ngangoho maspala washu zwazwino wo aluwa vhukuma. U ya nga dzimbalo-mbalo dza **Statistics South Africa**, nga **1996** Musina ro vha ri na vhatu vha **thirty-three thousand and sixty one**.

Nga nwaha wa **2001**, ro vha ro no aluwa u swika kha vhatu vha **thirty-nine thousand, three hundred and ten**. Kha mbala-vhatu ya **2011**, **population** yashu yo vha yo no dzhena kha **sixty-eight thousand, three hundred and fifty nine**. Zwazwino ndi tshi khou amba, ri khou anganyelwa kha vhatu vha **hundred thousand**. Ndi rine fhedzi fhanu Vhembe vhe **population growth** yashu ya aluwa nga **five point five percent**. Thulamela yo aluwa nga **zero point eight** ngeno Makhado yo alulwa nga **zero point four percent**.

Vhatu vha do kona u zwi pfesesa uri ro livhana na mushumo muhulwane wa u isa tshumelo kha masipala hoyu une wa khou aluwa nga luvhilo luhulwane.

Vha do zwi humbula uri nga murahu ha dzikhetho zwezwino nga **August** ho vha na zwithu zwinzhi zwo shandukaho. Musi ri saathu dzhia zwipida zwa Mutale, Musina ro vha ri na ward dza **6** fhedzi. Zwazwino dzo no vha **12 after** musu ro dzhia vhunzhi ha mivhundu ye ya vha i tshi wela Mutale.

Ro vha ri na dzi **councillors** dza **12**. Hone-ha zwazwino vhakhanselara vhashu vho no vha **24**. Zwine ra khou ita zwino ndi u tanganyisa pulane dzashu na dza mivhundu miswa ye ra i dzhia u bva kha maspala wa Mutale uri ri kone u wana ndila ya khwine ya kushumele.

Ri a zwi divha uri vhunzhi ha vhatu ndi kale vha tshi khou lilela u wela kha maspala wa Musina. Zwifhinga zwo fhiraho ro vha ri tshi dzulela u wana manwalo a tshi bva kha vhanwe vha mahosi vha tshi khou humbela u wela Musina. Zwino saizwi uyu muloro wo wedza, kha ri zwi divhe rothe uri tshanduko ndi **process** ine a i dzhii duvha lithihi naho vhu vhusiku zwaho. Ri khou humbela tshumisano kha zwiimiswa zwa tshitshavha, mahosi na vhadzulapo vhothe uri ri kone u fhata hoyu maspala washu muswa une ra u funesa. Musi hu tshi vhidziwa mitangano ya maspala sa zwezwi, vhatu kha ri kusuwe ri ye nga vhunzhi uri ri kone u vha na vhupfiwa kha dzi **decisions** dza mafhungo ane a ri kwama.

Kha vha ntendele ndi khunyeledze maambiwa anga nga u sumbedzisa uri a hu na mudi u si na mafhungo. Na mudi washu hoyu wa Ward 12 u na mafhungo - nahone manzhi. Zwino saizwi lu lwa u thoma ri tshi da fhano, mafhungo avho ro a pfa nahone o no vha ashu rothe saizwi ri muta muthihi.

Zwine zwa kwama rine sa maspala ri do dzula fhasi ra sedza thandululo dza khwinesa ri tshi khou thusiwa na nga vhone. Zwine zwa kwama mihasho na zwiimiswa zwo fhambanaho vhaofisiri vhashu vha do zwi fhirisela ho teaho. Ri do thusana na mukhanselara wa fhano uri ri wane **deithi** ine ra do vhuya ngayo u disa muvhigo wa mafhungo haya e vha ri netshedza namusi.

Zwi toda rine rothe u khwinisa ndisedzo ya tshumelo kha maspala washu wa Musina.

Ndo livhuwa!